

AMERICAN RESCUE PLAN

Cov Nqe Lus Keev Nug Txog Kev Them Cov Nuj Nqi

Kho Zaum Kawg: Lub Tsib Hlis Ntuj Hnub Tim 21, 2021

Muaj Lub Chaw Hu Xov Tooj Thov Kev Pab Cuam

Yog koj xav tau kev pab ntxiv, peb Lub Chaw Hu Xov Tooj Thov Kev Pab yeej khoom rau cov hnub ua hauj lwm txij thaum 8 teev sawv ntxov - 7 teev yav tsaus ntuj, Sij Hawm Sab Hnub Tuaj. Hu rau 877-508-8364, ces xaiv qhov “Txoj Kev Npaj Cawm Neeeg Meskas”. Muaj kev pb ua ntau hom lus. Yog koj xav tau ib tug neeg txais xov tooj uas hais tau lwm hom lus tsis yog lus Askiv los sis lus Xab Pees Niv, thov xaiv lus Askiv thiab qhia rau tus neeg txais xov tooj txog hom lus uas koj xav tau.

Cov Neeg Ua Qoob Loo Uas Tsim Nyog Raug Pab

Nqe Lus Nug 1: Koj yuav piav qhia txog txog lub ntsiab lus ntawm "tus neeg ua qoob loo los sis tu tsiaj txhu txom nyem" li cas? Tus qauv raug raws li qho kev npaj no yog dab tsi?

- Lub ntsiab lus “[tus neeg ua qoob loo los sis tu tsiaj txom nyem](#)” txhais tau tias yog ib tug neeg ua qoob loo los sis tu tsiaj uas yog tus tswv cuab ntawm ib tug [ib pawg neeg txom nyem](#) uas yog cov tswv cuab nawm ib haiv neeg los sis ib haiv neeg tsawg vim ntawm lawv pawg tswv cuab yam tsis xav txog lawv qhov zoo, raws li hais tseg rau hauv tshooj 2501(a) ntawm Txoj Cai Tswj Xyuas Kev Pov Hwm, thiab Ua Lag Luam Txog Khoom Noj, Kev Ua Qoob Loo hauv xyoo 1990 (7 U.S.C. 2279(a)). Cov tswv cuab ntawm cov pawg neeg txom nyem muaj xws li nram qab no:
 - Neeg Mes Kas Qhab los sis Neeg Xeeb Txawm Alaska;
 - Neeg Es Xias;

- Neeg Dub los sis Neeg As Fab Li Kas Mes Kas;
- Neeg Xeeb Txawm Has Vais los ssi Lwm Haiv Neeg Pov Txwv; thiab
- Neeg Hispanic los sis Latino.
- Lub Tuam Tsev Tuav Ntaub Ntawv txog Kev Ua Qoob Loo yuav txiav txim raws li ib kis rau ib kis tias cov pawg neeg muaj ntxiv ntawd puas tsim nyog nyob rau hauv lub ntsiab lus raws li ib daim ntawv thov uas muaj kev piav qhia pab txhawb.
- Cov neeg qiv txais nyiaj ntawm FSA yuav yeem dawb qhia lawv tus kheej ntiag tug hom haiv neeg thiab haiv neeg tsawg raws li ntawm lawv qhov kev qiv txais nyiaj los sis rau thaum lub sijhawm los ntawm [AD-2047](#). Rau ntawm tsab ntawv uas tau xa tuaj rau cov neeg qiv txais nyiaj tsim nyog raug pab, txhua tus yuav tsum tau txheeb xyuas lawv hom haiv neeg los sis hom haiv neeg tsawg ua ntej yuav thov cov nyiaj pab ntawm FSA.

Nqe Lus Nug 2: Cov neeg koom qiv txais nyiaj thiab cov tswv cuab ntawm lub chaw puas tsim nyog?

- Tsim nyog, yog muaj ntau leej yog cov yuav tau them cov nuj nqi uas tsim nyog qiv txais, thiab tsawg kawg muaj ib ntawm ntawm cov neeg no (tus qiv txais tseem ceeb, cov khoom qiv txais, los sis ib tug tswv cuab ntawm lub chaw uas tus kheej muaj nuj nqi) tsim nyog raws li cov ntsiab lus uas sau tseg rau hauv Tshooj 2501.

Nqe Lus Nug 3: Kuv yog ib tug neeg thov raws li hom muaj cai (xws li, Pigford, Keepseagle), thiab tau txais kev zam cov nuj nqi. Kuv muaj cai tsim nyog rau ib co nyiaj qiv txais lawm, kuv tseem puas tsim nyog raug pab thiab?

- Tsim nyog kawg, yog koj tsim nyog raug zam kom txhob them cov nuj nqi txij thaum Lub Ib Hlis Ntuj Tim 1, 2021 mus. (Saib qhov “Qhov Tsim Nyog Rau Cov Nyiaj Qiv Txais” hauv qab no.)

Nqe Lus Nug 4: Yav dhau los kuv yeej tau qiv txais cov nyiaj ncaj nqa los sis cov nyiaj qiv txais ua qoob loo lawm tab sis kev ua qoob loo raug poob thiab tsis muaj nuj nqi rau tam sim no lawm. Kuv puas tsim nyog rau qhov kev pab mus ib ntus?

- Yog koj tam sim no koj tsis tau qiv txais nyiaj ua qoob loo, koj yuav tsis tsim nyog rau kev zam cov nuj nqi raws li hauv Tshooj 1005, txawm li cas los xij tej zaum koj yuav tsim nyog rau cov nyiaj pab los ntawm Tshooj 1006 ntawm Txoj Cai Kev Npaj Cawm Neeg Meskas. Lub tsev hauj lwm USDA yeej mob siab teeb tsa txheeb txheem los muab kev pab rau cov neeg qiv txais nyiaj ua qoob

loo los sis tu tsiaj uas yog cov txom nyem raws li ntawm haiv neeg thiab haiv neeg tsawg. Kiag thaum qhov txheej txheem raug teeb tsa lawm mam li muab qhia kom ntxaws ntxaws rau sawv daws paub sai sai.

Tej Kev Txim Nyog Rau Cov Nyiaj Qiv Txais

Nqe Lus Nug 5: Cov nyiaj qiv txais dab tsi thiaj li tsim nyog them raws li Txoj Kev Npaj Cawm Neeg Meskas?

- Qhov tsim nyog rau cov nyiaj qiv txais muaj xws li:
 1. Cov nyiaj qiv txais ncaj qha los ntawm FSA, suav txog Cov Nyiaj Qiv Txais Rau Lub Chaw Ntim Khoom Qoob Loo, Cov Nyiaj Txiaj Txais Pov Hwm, Cov Nyiaj Qiv Txais Rau Kis Muaj Xwm Txheej Ceev, Cov Nyiaj Qiv Txais Rau Tus Tswv, Cov Nyiaj Qiv Txais Rau Vaj Zaub Nyuj, Cov Nyiaj Qiv Txais Rau Kev Tso Dej Ywg thiab Tso Dej, Cov Nyiaj Qiv Txais Ua Hauj Lwm (suav txog Cov Nyiaj Qiv Txais Rau Cov Hluas thiab Cov Nyiaj Qiv Txais Ntau), thiab Cov Nyiaj Qiv Txais Saib Xyuas Av thiab Dej; cov nyiaj qiv txais uas tsis yog los ncaj qha rau ntawm txoj hauj lwm pab txhawb thiab Cov Nyiaj Qiv Txais Rau Kev Tswj Xyuas Tej Xooob Ntoo Phom uas thaum xub thawj yeej raug muab qiv txais raws li Txoj Cai Kev Tsim Ua Qoob Loo thiab Tsim Kho.
 2. Cov nyiaj qiv txais los tab los ntawm FSA thiab raug ua los ntawm ib tug neeg qiv txais nyiaj uas raug tso cai lawm, suav txog Cov Nyiaj Qiv Txais Rau Tus Tswv Qoob Loo, Cov Nyiaj Qiv Txais Ua Qoob Loo, thiab Cov Nyiaj Qiv Txais Pov Hwm.
- Tag nrho ob yam nyiaj qiv txais uas tseem tsis tau them thiab cov nyiaj qiv txais tam sim no los yeej tseem tsim nyog rau. Cov nuj nqi ntsig txog rau hom nyiaj qiv txais no uas raug hais kom muab nias tseg los sis suav sau rov qab mas kuj tsim nyog ib yam thiab.

Nqe Lus Nug 6: Kuv muaj ib Qho Nyiaj Qiv Txais Ntawm Kev Yog Tus Tswv Qoob Loo uas kuv tau them li 5% thiab FSA tau pab nyiaj 45% ntawm cov nyiaj qiv txais. Ib lub chaw qiv txais nyiaj ua lag luam tau muab nyiaj rau qiv txais ntxiv li 50%. Kuv cov nyiaj qiv txais nrog rau lwm tus neeg qiv txais nyiaj puas tsim nyog rau cov nyiaj pab ntawm ARPA?

- Cov nyiaj qiv txais tau muab los ntawm FSA mas yeej tsim nyog. Rau feem 505 ntawm cov nyiaj los ntawm ib tug neeg qiv txais ua lag luam, nws mas tsim nyog yog tus neeg qiv txais nyiaj tau ib daim ntawv ua pov thawj Qiv Txais Nyiaj Ua Qoob Loo Ntawm FSA. Cov nyiaj qiv txais rau tus kheej thiab ua lag luam uas tsis raug ua pov thawj los ntawm FSA ces yuav tsis tsim nyog muaj

cai raug pab, suav txog cov nyiaj qiv txais uas raug siv los pab sib koom them nqi rau ib yam khoom yuav nrog FSA li.

Nqe Lus Nug 7: Puas tsim nyog rau txhua cov nyiaj qiv txais los tab thiab cov nyiaj qiv txais ncaj qha ntawm USDA thiab tej nuj nqi?

- Tsis tsim nyog. Cov nyiaj qiv txais rau Kev Tsim Kho Sab Deb Nroog, Cov Nyiaj Qiv Txais Rau Kev Pab Kiab Khw FSA thiab cov nuj nqi ntsig txog lwm cov nyiaj pab los ntawm USDA los sis lwm cov nuj nqi uas tsis yog tsoom fww USDA li ces yeej tsis tsim nyog rau.

Nqe Lus Nug 8: Kuv daim teb qoob loo puas muaj qhov ntsig txog rau cov nyiaj qiv txais los ntawm ib lub chaw Muab Nyiaj Qiv Txais Ua Qoob Loo los sis ib lub tuam txhab nyiaj hauv ib cheeb tsam?

- Tsis muaj. Cov nyiaj qiv txais los ntawm cov chaw muab nyiaj rau neeg qiv txais ua lag luam xws li cov tuam txhab nyiaj, cov koom haum muab nyiaj rau qiv txais los sis cov chaw Muab Nyiaj Rau Qiv Txais Ua Qoob Loo uas tsis yog ib qho nyiaj tab ntawm FSA ces yeej tsis tsim nyog rau.

Nqe Lus Nug 9: Kuv Cov Nyiaj Qiv Txais Ncaj Qha Ntawm FSA, Cov Nyiaj Qiv Txais Los Tab, los sis Cov Nyiaj Qiv Txais Ua Lub Chaw Rau Qoob Loo uas tau los tom qab Lub Ib Hlis Ntuj Tim 1, 2021, nws tseem puas tsim nyog rau lawm?

- Tsis tsim nyog. Tsuas yog cov nyiaj qiv txais ua ntej Lub Ib Hlis Ntuj Tim 1, 2021 nkaus xwb thiaj li tsim nyog rau.

Kev Them Nuj Nqi

Nqe Lus Nug 10: Kuv tuaj yeem nrhiav tau cov ntaub ntawv hais txog USDA daim ntawv tshaj tawm rau cov nyiaj pab rau cov neeg qiv txais nyiaj txom nyem rau ntawm lub chaw twg?

- Saib ntawm [Daim Ntawv Ceeb Toom txog Kev Muaj Nyiaj Pab](#) kev piav qhia txog cov nyiaj them ntawm ARPA rau cov nyiaj pab rau Cov Nyiaj Qiv Txais Ncaj Qha uas tsim nyog. Yuav muaj ib daim ntawv ceeb toom los daws Cov Nyiaj Qiv Txais Ua Pov Thawj ntawm cov neeg qiv txais thiab cov neeg txais nyiaj, thiab Cov Nyiaj Qiv Txais Ncaj Qha Ua Qoob Loo ntawm cov neeg qiv txais uas tsis muaj kev lav mus ntxiv lawm los sis tseem ua qoob loo thiab cov nyiaj qiv txais uas yav dhau los raug xa msu rau Lub Tuam Tsev Tswj Xyuas Nyiaj Txiag rau kev sau cov nquj nqi. Daim ntawv ceeb toom no yuav raug tshaj tawm rau hauv Tsoom Fwv Feem Tso Npe rau hauv lub sij hawm 120 hnuv.

Nqe Lus Nug 11: Cov neeg Qiv Txais Nyiaj Ncaj Qha yuav raug ceeb toom txog cov nyiaj them txog qhov tsim nyog raug pab li cas thiab yuav muaj tej ntaub ntawv dab tsi?

- Tsoom fww yuav muab ceeb toom raws li ob txoj hau kev:
 - Ib daim ntawv theej ntawm [Daim Ntawv Ceeb Toom txog Kev Muaj Cov Nyiaj Pab muaj hais ntxaws ntxaws txog](#) kev nqis tes ua.
 - FSA yuav xa ib daim ntawv (daim ntawv foos FSA-2601) tuaj rau txhua cov chaw thiab cov neeg qiv txais nyiaj uas tsim nyog rau Cov Nyiaj Qiv Txais Nyiaj Ncaj Qha. Nws suav txog cov nyiaj qiv txais uas tseem tshuav seem, kev xam cov nyiaj them, tej kev thov cov ntaub ntawv tso nyiaj hauv tus as qhauj hauv tuamtxhab nyiaj, thiab tej kev npaj pab rau cov neeg qiv txais nyiaj txom nyem raws li tau teev tseg rau hauv FSA cov ntaub ntawv. Cov lus qhia uas raug muab sau rau hauv tsab ntawv no yuav lees txais, tsis kam lees txais, los sis thov kom muaj ib lub rooj sib tham nrog FSA. Cov neeg qiv txais nyiaj uas xav txais daim ntawv raws hauv email yuav tsum tiv toj rau FSA lub chaw ua hauj lwm hauv ib cheeb tsam. Daim ntawv foos ntawm tsab ntawv no yeej raug muab tshaj tawm rau hauv farmers.gov/AmericanRescuePlan.

Nqe Lus Nug 12: Cov neeg qiv txais nyiaj muaj peev xwm ua li cas tau ua ntej yuav tau tais tsab ntawv no?

- Cov neeg qiv txais nyiaj tuaj yeem hu rau lawv [lub chaw lis hauj lwm hauv ib cheeb tsam](#) txhawm rau txheeb xyuas seb lawv puas tsim nyog raug pab raws li tus qauv cai uas raug teev tseg rau hauv FSA. Yog yuav tsum tau kho dua tshiab rau ib qho los sis kho kom raug, cov neeg qiv txais nyiaj yuav tau sau [USDA Daim Ntawv Foos AD-2047](#) los sis ua hauj lwm nrog FSA ntawm koj lub chaw lis hauj lwm hauv ib cheeb tsam txhawm rau kho koj cov ntaub ntawv teev tseg. Cov neeg qiv txais nyiaj kuj yuav tau tshuaj xyuas lawv cov ntaub ntawv qiv txais nyiaj thiab tej ntaub ntawv yav dhau los ntawm kev them nyiaj pab thiab muab sib piv rau cov ntaub ntawv hauv tsab ntawv no thaum tau txais los.

Nqe Lus Nug 13: Kuv yuav tau txais cov nyiaj them nuj nqi li cas?

- Tsoom fww xab pha tau tso cai cov nyiaj qiv txais them nuj nqi ntau txog 120%. Cov nyiaj pab yog saib raws li qhov tshuav nuj nqi los txog rau thaum Lub Ib Hlis Ntuj Tim 1, 2021. Cov nyiaj qiv txais them nqi uas tau txais los ntawm cov neeg qiv txais tom qab Lub Ib Hlis Ntuj Tim 1, 2021 ces yuav tsis raug txo cov nuj nqi ntawm Txoj Kev Npaj Cawm Neeg Meskas los ntawm FSA. Tej ntaub ntawv hais ntxaws ntxaws txog qhov txheej txheem thiab kev them

cov nuj nqi yuav raug tshuaj xyuas nrog tus neeg qiv txais nyiaj ua ntej yuav tshuaj xyuas. Kev hais ntxaws ntxaws txog qhov yuav thov li cas thiaj li raug raws li FSA mas muaj nyob rau hauv txhua tsab ntawv lawm.

Nqe Lus Nug 14: Ib tug neeg qiv txais yuav ua dab tsi yog lawv tsis pom zoo nrog tej ntaub ntawv uas sau rau hauv tsab ntawv (Daim Ntawv Foos FSA-2601)?

- Ib tug neeg qiv txais nyiaj yuav tsum xaiv feem kev xaiv uas nyob hauv tab ntawv uas xa tuaj thov kom npaj ib lub rooj sib tham nrog ib tug neeg ua hauj lwm ntawm FSA. Yog yuav tsum tau kho, yuav tau sau ib tsab ntawv tshiab dua. Yog muaj ib qho tseem tsis pom zoo nrog, lawv muaj cai thov hais kom rov qab txiav txim dua.

Nqe Lus Nug 15: Yog kuv muaj ntau cov nyiaj qiv txais yuav ua li cas?

- Rau cov neeg qiv txais nyiaj uas tsim nyog, cov nyiaj siab kawg nkaus yog ntau txog 120% rau tus neeg qiv txais nyiaj uas tsim nyog rau tag nrho cov nyiaj qiv txais.

Nqe Lus Nug 16: Thaum twg ib tug neeg qiv txais nyiaj mam li tau txais ib daim ntawv ceeb toom txog Cov Nyiaj Qiv Txais Ncaj Qha thiab yuav them cov nyiaj pab rau thaum twg?

- FSA yuav pib xa cov ntaub ntawv tuaj rau thaum lub vij hauv Lub Tsib Hlis Ntuj Hnub Tim 24. Cov neeg qiv txais nyiaj ntawm Cov Nyiaj Qiv Txais Ncaj Qha uas tsim nyog raug pab feem yuav tau txais ib tsab ntawv tsis pub dhau rau hauv Lub Rau Hli Ntuj Hnub Tim 30. Tom qab tau txais ib daim ntawv nrog rau txhua qhov yuav tau kos npe, FSA yuav siv sij hawm thaj tsam li 3 lub vij los them cov nyiaj qiv txais thiab mam li them mus rau ib tug neeg qiv txais. Cov neeg qiv txais nyiaj uas tsim nyog raug pab tuaj yeem hu rau FSA ntawm lawv lub chaw lis hauj lwm hauv ib cheeb tsam yog muaj yam xav tau, tab sis xav kom cov neeg qiv txais nyiaj kom kom txog rau thaum Lub Xya Hli Nrab ua ntej yuav siv daim ntawv los sis yuav tau cov nyiaj pab ncaj qha.

Nqe Lus Nug 17: Yuav tshaj tawm cov nyiaj ywm rau thaum twg yog cov nyiaj qiv txais raug siv rau yam khoom siv, tsij txhu, thiab/los sis vaj tse?

- FSA yuav tshaj tawm txog nws cov nyiaj ywm rau txhua cov nyiaj qiv txais uas yuav tau them kom mus raws li Lub Xeev txoj cai lij choj tom qab them Cov Nyiaj Qiv Txais Ncaj Qha tag.

Nqe Lus Nug 18: Nws puas muaj hnuv kawg rau cov neeg qiv txais nyiaj los teb ib tsab ntawv uas tau txais los ntawm FSA?

- Yog ib qho muab kev pab tsis raug lees txais los sis tsis pom zoo rau hauv lub sij hawm 30 hnuv suav txij hnuv pib hais tias yuav muab kev pab, FSA yuav xa ib daim ntawv ceeb toom tuaj qhia thiab hu xov tooj mus los sis xa ib tsab email yog tej ntaub ntawv sib txuas lus no nyob rau ntawm cov ntaub ntawv. Yog ib daim ntawv teb kam lees txais los sis tsis kam lees txais ib qho kev pab uas tsis tau txais tom qab 60 hnuv suav txij hnuv xub pib muab kev pab mus, FSA yuav muab daim ntawv ceeb toom zaum ob rau cov neeg qiv txais nyiaj uas tsis tau them cov nyiaj pab tshwj tsis yyog tus neeg tsim nyog raug pab tiv toj rau FSA. FSA puas teeb tsa ib lub sij hawm kawg, nws yuav raug tshaj tawm rau sawv daws paub, thiab yuav xa ib daim ntawv ceeb toom kawg tuaj rau cov neeg qiv txais nyiaj kom tsis pub dhau hauv lub sij hawm 30 hnuv ua ntej yuav txog sij hawm kawg.

Lwm Cov Nqe Lus Nug

Nqe Lus Nug 19: Puas yuav tau them nqi rau qhov USDA tuaj koom thiab kuv puas yuav tsum muaj ib tug neeg thib peb sab nrauv tuaj pab kuv lis cov nyiaj qiv txais no?

- Tsis tau them nqi dab tsi rau qhov mus koom. Cov neeg ua hauj lwm rau ntawm FSA yuav pab teb dawb rau cov lus nug ntawm cov neeg qiv txais nyiaj thiab yuav pab cov neeg ua qoob loo ua kom teiv tej ntaub ntawv uas yuav tsum tau ua. Koj tsis tas yuav nrhiav ib tug neeg thib peb sab nrauv los pab thiab koj tuaj yeem ua hauj lwm ncaj qha nrog USDA. USDA npaj sib koom tes nrog cov koom haum hauv zej zog thiab cov tsev kawm ntawv qib siab txog kev nthuav qhia, kev pab feem tev niv, thiab muab nyiaj pab, txoj cai, thiab kev npaj them cov nqi se rau cov neeg qiv txais nyiaj raws li kev siv tej ntaub ntawv hauv Tshooj 1006 ntawm ARP. USDA yuav them nyiaj rau cov neeg sib koom tes no, **tab sis cov neeg qiv txais nyiaj yuav TSIS tau them ib qho nqi dab tsi li.** Yog koj raug ib tug neeg hais kom them ib qho nyiaj los sis yog pom tias yog kev ntxias dag noj nyiaj, thov muab tej no qhia rau lub chaw USDA thiaj li tau tshuaj ntsuam xyuas.

Nqe Lus Nug 20: Kuv yog ib tug neeg ua qoob loo uas txom nyem uas tsim nyog rau cov nyiaj qiv txais tab sis kuv tsis tau qhia tias kuv haiv neeg los sis haiv neeg tsawg yog hom twg mus rau kuv lub chaw lis hauj lwm hauv ib cheeb tsam, kuv yuav tau ua li cas?

- Koj muaj ntau txoj kev xaiv, tam sim no muaj tag nrho rau ntawm USDA Daim Ntawv Foos AD-2047:

- Hu rau koj [lub chaw lis hauj lwm hauv ib cheeb tsam ntawm USDA](#) thiab qhia rau lawv paub tias koj xav sau daim ntawv foos raws hauv xov tooj.
- Rub thiab sau daim ntawv foos [AD-2047](#), kos npe rau thiab muab nws xa mus los sis nqa nws mus rau hauv koj Lub Chaw Lis Hauj Lwm hauv ib cheeb tsam ntawm USDA.

Nqe Lus Nug 21: Puas muaj cov kev pab txhawb zoo sib xws rau cov neeg qiv txais nyiaj uas tsis yog cov neeg txom nyem raws li haiv neeg thiab haiv neeg tsawg?

- Txoj kev pab ntawm Txoj Kev Npaj Cawm Neeg Meskas no yog muaj pab rau cov neeg qiv txais nyiaj uas txom nyem, raws li sau tseg rau hauv Nqe Lus Nug 1. FSA muab ntau yam kev pab txhawb, suav txog kev pab tiv thaiv tus kab mob sib kis, Kev Pab Rau Kis Muaj Kev Puas Tsuj Los Ntawm Ntuj Tsim Teb Raug thiab Kev Pab Qiv Txais Nyiaj. Yog koj tab tom tsis txawm peem nyiaj xtiag, peb xav kom koj tiv toj rau koj [lub chaw lis hauj lwm hauv ib cheeb tsam ntawm USDA](#).

Nqe Lus Nug 22: Kuv muaj nyiaj qiv txais uas tab tom yuav txog caij them lawm. Kuv Yuav Tsum Ua Li Cas?

- Rau FSA Cov Nyiaj Qiv Txais Ncaj Nqa, USDA yuav tsis ua ib yam dab tsi tsis zoo rau ib tug neeg tsim nyog qiv txais uas yog tus tsis them nyiaj.
- Rau Lub Chaw Ntim Khoom Qoob Loo Cov Nyiaj Qiv Txais Ncaj Nqa, USDA yuav tsis ua ib yam dab tsi tsis zoo rau ib tug neeg tsim nyog qiv txais uas yog tus tsis them nyiaj.
- Rau FSA Cov Nyiaj Qiv Txais Los Tab, cov neeg qiv txais nyiaj yuav tsum tau them tag nrho cov nyiaj raws li tau hais tseg uas tau pom zoo nrog koj lub chaw muab nyiaj rau qiv txais.
- Koj cov nyiaj pab them rau cov nuj nqi yuav raug xam raws li cov nyiaj uas koj tshuav nqi los txog rau thaum Lub Ib Hlis Ntuj Tim 1, 2021. Yuav them cov nyiaj rau cov neeg qiv txais tom qab Lub Ib Hlis Ntuj Hnub Tim 1, 2021. USDA xav kom cov chaw muab nyiaj rau qiv txais yuav tau muab lub sij hawm kom dav thiab tau tsim cov lus qhia rau siv rau thaum Lub Ib Hlis Ntuj Tim 26, 2021 los pab rau cov chaw muab nyiaj rau qiv txais kom nkag siab txog qhov muab lub sij hawm kom dav me ntsis rau sawv daws.

Nqe Lus Nug 23: Kuv cov nyiaj qiv txais uas tseem tsis tau them, thiab kuv raug ceeb toom tias yuav raug ywm los sis yuav raug pib them. Kuv yuav tsum tau ua li cas thiaj li tiv thaiv tsis raug ywv?

- FSA tau hais kom txhob muaj kev ywv txhua yam, kev suav sau cov nuj nqi thiab kev nqis tes ua lwm yam tsis zoo rau cov nyiaj qiv txais ncaj qha rau thaum lub sij hawm muaj tus kab mob sib kis thiab tau hais kom cov chaw muab nyiaj raug qiv txais los tab. FSA tab tom suav sau tej ntaub ntawv rau tag nrho cov nyiaj qiv txais los ntawm cov chaw muab nyiaj rau qiv txais. Yog koj muaj ib qho nyiaj tab thiab ib lub chaw muab nyiaj rau qiv txais yeej muaj cov kev npaj yuav ywv txuas mus ntxiv los sis yuav tau them xwb xwb, ces tiv toj rau koj [lub chaw lsi hauj lwm hauv ib cheeb tsam ntawm USDA](#) kom FSA paub txog thiab yuav tau los cuam tshuam nrog.

Nqe Lus Nug 24: USDA puas yuav kom kuv ua pov thawj rau kuv qhov ua neeg pej xeeem Meskas?

- Tsis tas siv lwm yam ntaub ntawv ntxiv rau qhov yog neeg pej xeeem Meskas los sis qhov yog neeg khiav teb chaws li lawm. FSA cov nyiaj qiv txais yog muaj rau tag nrho cov neeg pej xeeem Meskas thiab cov neeg uas muaj chaw nyob raug cai raws li tsoom fwv txoj cai lij choj. Tej ntaub ntawv no raug tshuaj xyuas qhov tseeb rau thaum xub muab cov nyiaj qiv txais lawm thiab yuav tsis tas hais ntxiv lawm.

Nqe Lus Nug 25: Vim Li Cas cov nyiaj them ntawm Cov Nyiaj Qiv Txais Ua Qoob Loo Uas Raug Lav thiaj li tsis muaj nyob rau qhov kev them nyiaj rau hauv zeeg ib?

- Nws muaj qhov sib txawv rau hauv feem nyiaj txiag thiab cov hauj lwm pab txhawb los ntawm Cov Nyiaj Qiv Txais Ncaj Qha thiab Tau Lav. Yuav saib xyuas kom them cov nyiaj ncaj raws lub sij hawm kom tau ntau li ntau rau cov neeg qiv txais nyiaj, USDA tab tom pib them cov nyiaj rau cov as qhauj Qiv Txais Nyiaj Ncaj Nqa feem ntau ua ntej yuav tshuaj xyuas txog cov nyiaj them ntawm Cov Nyiaj Qiv Txais Raug Lav. Thaj tsam li 85% ntawm cov neeg qiv txais nyiaj uas tsim nyog raug pab muaj Cov Nyiaj Qiv Txais Ncaj Qha.

Nqe Lus Nug 26: Yog lawv yeej tsis tau txais tsab ntawv los sis qhov raug hloov pauv ib tug neeg qiv txais nyiaj yuav tsum ua dab tsi?

- Ib tug neeg qiv txais nyiaj yuav tsum tiv toj rau FSA lawv lub chaw lis hauj lwm hauv ib cheeb tsam tus neeg ua hauj lwm.

Nqe Lus Nug 27: Cov neeg tau txais cov nyiaj pab ntawm ARPA paus tsim nyog rau cov nyiaj qiv txais ntawm FSA?

- Tsim Nyog.FSA xav kom siv nws cov nyiaj qiv txais txuas mus ntxiv. Cov neeg qhua yuav tsum hu rau FSA ntawm lawv lub chaw lis hauj lwm hauv ib cheeb tsam yog lawv muaj lus nug txog kev pab cov nyiaj qiv txais.

Nqe Lus Nug 28: Cov neeg qiv txais nyiaj ua lag luam uas muaj cov nyiaj qiv txais raug lees lav los ntawm FSA rau ib tug neeg qiv txais nyiaj uas tsim nyog tus tus neeg txom nyem puas raug txais cov nyiaj them tag nrho ntawm cov nyiaj qiv txais no los sis tsuas tau txais cov nyiaj lees lav (90% los sis 95%) xwb?

- Tag nrho Cov Nyiaj Qiv Txais Raug Lees Lav uas tshuav seem txij thaum Lub Ib Hlis Ntuj Hnub Tim 1, 2021 yuav raug them, txawm tias yuav nyob rau qib lees lav li cas los xij.

Nqe Lus Nug 29: Qhov kev pab rau cov neeg qiv txais nyiaj uas hais lus As Kiv tsis tau yog dab tsi?

- Cov neeg qiv txais nyiaj yuav hu rau lub chaw lis hauj lwm rau ntawm 877-508-8364, ces xaiv qhov “Txoj Kev Npaj cawm Neeg Meskas.” Muaj kev pb ua ntau hom lus.Yog ib tug neeg qiv txais nyiaj xav tham nrog ib tug kws txais xov tooj uas hais ua lwm hom lus tsis yog lus As Kiv los sis lus Xab Pees Niv, thov xaiv lus As Kiv thiab qhia rau tus neeg txais xov tooj txog hom lus uas koj xav hais. Thiab, ib tug neeg qiv txais nyiaj tau txais ib tsab ntawv ceeb toom kom hu rau FSA ntawm Lawv Lub Chaw Lis Hauj Lwm Hauv Ib Cheeb Tsam yog muaj lus nug dab tsi. Muaj kev pab txhais ntawv thiab txhais lus. Muaj kev pab txhais lus rau cov neeg qiv txais nyiaj los ntawm cov koom haum ua hauj lwm hauv zej zos thiab lwm cov kev pab cuam uas yuav muaj rau lwm tsab ntawv rau cov neeg qiv txais nyiaj thiab tau tshaj tawm rau ntawm farmers.gov/americanrescueplan, raws hauv qhov GovDelivery, thiab ib daim ntawv xov xwm tshaj tawm.

Nqe Lus Nug 30: Vim FSA tau tso cai rau cov neeg qiv txais nyiaj mus koom rau Txoj Hauj Lwm Qiv Txais Nyiaj Uas Raug Lees Lav uas feem ntau yuav tsis raug sau tej ntaub ntawv ntiag tug ntawm tus neeg qiv txais nyia, yog FSA yuav npaj li cas thiaj li txheeb xyuas tau lawv cov neeg qiv txais qhov tsim nyog rau ARPA?

- Ib yeem dawb suav sau txog qhov yog haiv neeg thiab haiv neeg tsawg uas muaj nyob rau hauv kev npaj daim ntawv thov los ntawm tus neeg qiv txais nyiaj thiab tus neeg muab nyiaj rau qiv txais kom tau txais kev lees lav ntawm FSA. Cov neeg qiv txais nyiaj yuav hu rau FSA lawv lub chaw lis hauj lwm hauv ib cheeb tsam los lees lawv haiv neeg thiab qhov yog haiv neeg tsawg.Txhua

tus neeg qiv txais nyiaj uas tsim nyog raug pab yuav tsum tau xa [USDA Daim Ntawv Foos AD-2047](#) mus thiab muab qhov kev npaj ntawd xa ncaj qha mus rau FSA. Thaum Lub Tsib Hlis Ntuj 2021, FSA tau xa ib tsab ntawv mus rau txhua cov neeg qiv txais nyiaj ntawm Cov Nyiaj Qiv Txais Ncaj Qha thiab Cov Nyiaj Qiv Txais Raug Lees Lav uas raug txheeb xyuas pom rau hauv FSA cov ntaub ntawv teev tseg raws li qhov neeg txom nyem raws hom haiv neeg los sis haiv neeg tsawg. Yuav tau ib tsab ntawv tuaj rau cov neeg qiv txais nyiaj uas yog hom haiv neeg los sis haiv neeg tsawg raug teev tseg yam tsis muaj kev lees paub rau hauv FSA cov ntaub ntawv teev tseg, thiab nws tau piav qhia qhov txheej txheem rau ib tug neeg qiv txais nyiaj kho dua tshiab rau lawv tej ntaub ntawv teev tseg uas muaj nyob rau ntawm FSA lawv lub tsev lis hauj lwm hauv ib cheeb tsam. FSA cov neeg qhua muaj peev xwm sau [AD-2047](#) kom thiav thiab xa nws mus rau FSA ntawm lub chaw lis hauj lwm hauv ib cheeb tsam.

Nqe Lus Nug 31: Vim li cas ARPA FSA cov nyiaj pab tsuas pab rau FSA cov neeg qiv txais nyiaj uas yog neeg txom nyem nkaus xwb?

- Tsoom fwv xab pha tau tso cai kom them cov nuj nqi los pab rau cov neeg ua qoob loo uas txom nyem raws li tau hais tseg rau hauv Tshooj 2501 (a) ntawm xyoo 1990 Txoj Cai Ua Qoob Loo. Cov neeg ua qoob loo no mus cuag tsis tau tib yam kev pab li lwm tus neeg ua qoob loo vim hais tais feem kev coj ua tsis muaj kev sib luag, suav txog tej kev coj ua los ntawm USDA.